

Бекбенбетов - Қазақстан Республикасы Қорғаныс
Марат Төлегенұлы министрлігінің Қарулы Күштері Тыл
бастығының орынбасары - тыл бастығы
басқармасы штабының бастығы, хатшы

Аюбаев - Қазақстан Республикасы Президенті Күзет
Мұхтар Ақатұлы қызметі бастығының орынбасары (келісім
бойынша)

Сәрсенов - Қазақстан Республикасы Экономикалық
Аниятолла Өмірзақұлы қылмысқа және сыбайлас жемқорлыққа
қарсы күрес агенттігі (қаржы полициясы)
төрағасының орынбасары

Әбдіров - Қазақстан Республикасы Жоғарғы Соты
Кенжеболат Мұхамеджанұлы жанындағы Соттық әкімшілендіру комитеті
төрағасының орынбасары (келісім бойынша)

Есжанов - Қазақстан Республикасы Көлік және
Қанат Бөлебайұлы коммуникациялар министрлігі Көліктік
бақылау комитеті төрағасының орынбасары

Михалченко - Қазақстан Республикасы Индустрия және
Василий Николаевич сауда министрлігінің Стандарттау,
метрология және сертификаттау комитеті
төрағасының орынбасары

Шақуанов - Қазақстан Республикасы Әділет
Болат Аташұлы министрлігінің Қылмыстық-атқару жүйесі
комитеті төрағасының орынбасары

Аппарбеков - Қазақстан Республикасы Төтенше жағдайлар
Серік Сейітұлы министрлігі Мемлекеттік өртке қарсы
қызмет департаментінің бастығы

Ыбыраев - Қазақстан Республикасы Ішкі істер
Болат Әбиұрұлы министрлігі Тыл департаментінің бастығы

Иванова - Қазақстан Республикасы Экономика және
Наталья Николаевна бюджеттік жоспарлау министрлігі
Мемлекеттік аппарат, қорғаныс, қоғамдық
тәртіп және қауіпсіздік шығыстарын
жоспарлау департаментінің директоры

Қожымұратов - Қазақстан Республикасы Ауыл
Асылбек Әубәкірұлы шаруашылығы министрлігі Ветеринария
департаментінің директоры

Сәттібаев - Қазақстан Республикасы Төтенше жағдайлар
Әлейтжан Қалиғұмарұлы министрлігі Азаматтық қорғаныс, әскери

бөлімдер және жедел ден қою
департаментінің директоры

Хасенов - Қазақстан Республикасы Ауыл
Сақташ Сатыбалдыұлы шаруашылығы министрлігі Өсімдіктерді
қорғау және карантині департаментінің
директоры

Шабәқбаев - Қазақстан Республикасы Бас прокуратурасы
Марат Несіпбекұлы Кадр жұмысы мен ішкі қауіпсіздікті
қамтамасыз ету департаментінің бастығы
(келісім бойынша)

Торғаев - Қазақстан Республикасы Ұлттық
Мұқажан Рымжанұлы қауіпсіздік комитетінің
Әскери-техникалық және қаржылық
қамтамасыз ету департаменті бастығының
бірінші орынбасары (келісім бойынша)

Фролов - Республикалық ұланның әскери-техникалық
Павел Михайлович және қаржылық қамтамасыз ету
басқармасының бастығы (келісім бойынша)

Тілеуов - Қазақстан Республикасы Ұлттық
Сәлімжан Атшыбайұлы қауіпсіздік комитеті Шекара қызметінің
Тыл бас басқармасы бастығының орынбасары
(келісім бойынша)

Қ а з а қ с т а н Р е с п у б л и к а с ы
Ү к і м е т і н і ң
2 0 0 4 ж ы л ғ ы 2 3 қ а р а ш а д а ғ ы
N 1 2 3 0 қ а у л ы с ы н а
2-қосымша

Мемлекеттік органдардың нысанды киім-кешектері мен нышандары жөніндегі ведомствоаралық комиссия туралы ереже

I. Жалпы ережелер

1. Мемлекеттік органдардың нысанды киім-кешектері мен нышандары жөніндегі ведомствоаралық комиссия (бұдан әрі - Комиссия) бірыңғай мемлекеттік стильді қалыптастыру мақсатында Қазақстан Республикасы Үкіметі жанындағы мемлекеттік органдардың нысанды киім-кешектері мен нышандарының стандарттары жобаларын әзірлеу және қарау жөніндегі

консультативтік-кеңесші орган болып табылады.

2. Комиссия өзінің қызметін Қазақстан Республикасының Конституциясына, Қазақстан Республикасының заңнамасына, сондай-ақ осы Ережеге сәйкес жүзеге асырады.

3. Комиссия өзінің қызметін Мемлекеттік нышандар жөніндегі республикалық комиссиямен (бұдан әрі - Республикалық комиссия) өзара іс-қимылда жүзеге асырады.

4. Комиссия шешімдері ұсынымдық сипатта болады.

II. Комиссияның негізгі міндеттері

5. Комиссияның негізгі міндеттері:

1) мемлекеттік органдардың нысанды киімдері мен нышандарына қатысты бөлігінде мемлекеттік стильді қалыптастыру саласындағы мемлекеттік саясатты іске асыру жөніндегі ұсыныстарды дайындау;

2) мемлекеттік органдардың нысанды киімдері мен нышандарының сапасы, қауіпсіздігі, бірыңғай мемлекеттік стилі, қолданылу және кию заңдылығы мәселелерін регламенттейтін нормативтік құқықтық кесімдерді жетілдіру жөнінде ұсыныстар әзірлеу болып табылады.

III. Комиссияның функциялары

6. Комиссияның негізгі функциялары:

1) мемлекеттік органдардың нысанды киімдері мен нышандарының сапасы, қауіпсіздігі, бірыңғай мемлекеттік стилі, қолданылу және кию заңдылығы мәселелерін регламенттейтін қолданыстағы мемлекеттік стандарттар мен нормативтік құқықтық кесімдердің жаңасын әзірлеу мен қайта қарау жөнінде ұсыныстар дайындау;

2) мемлекеттік органдардың нышандарын көпшілік қолдану практикасын зерделеу және қажет жағдайда, оның Қазақстан Республикасында қолданылуы жөнінде ұсынымдар әзірлеу;

3) мемлекеттік органдардың нысанды киімдері мен нышандары эскиздерін, суреттерін, үлгілерін, сондай-ақ мемлекеттік стандарттар мен басқа да нормативтік құжаттардың жобаларын қарау;

4) мемлекеттік органдарға арналған нысанды киімдер мен нышандар стандарттарын әзірлеуге, үлгілерін жасауға және шығаруға арналған мемлекеттік сатып алу жөніндегі тендерлер үшін жағдайларды дайындау шеңберінде ұсынымдар әзірлеу;

5) мемлекеттік органдардың нысанды киімдері мен нышандарына мемлекеттік стандарттар әзірлеу, өндіру және оларға сәйкес қолдану мәселелері

жөніндегі мемлекеттік органдар мен ұйымдар жұмыстарының қорытындыларын зерделеу, талдау және қорыту;

6) мемлекеттік органдарға арналған нысанды киімдер мен нышандарды қолданудың құқықтық базасын жетілдіру жөнінде Қазақстан Республикасының Үкіметіне ұсыныстар әзірлеу және енгізу;

7) мемлекеттік нышандарды шығаруға, таратуға, насихаттауға, оларды әскери және өзге атрибутикада, мемлекеттік органдарда қолдану практикасында пайдалануға байланысты мәселелер жөнінде ұсыныстар дайындау болып табылады.

IV. Комиссияның негізгі өкілеттіктері

7. Комиссия қойылған міндеттерді шешу үшін:

1) қоғамдық бастауда орталық және жергілікті атқарушы органдардың, шығармашылық және ғылыми ұйымдардың, оқу орындарының мамандарын, республиканың ғалымдары мен мамандарын тартуға;

2) министрліктерден, өзге де орталық және жергілікті атқарушы органдардан Комиссияның құзыретіне кіретін мәселелер жөнінде ақпараттар сұратуға құқылы

V. Комиссия жұмысын ұйымдастыру

8. Комиссия төрағадан, төрағаның орынбасарынан, хатшы мен Комиссия мүшелерінен тұрады.

9. Комиссия төрағасы:

1) Комиссияға жалпы басшылықты жүзеге асырады, оның отырыстарына төрағалық етеді;

2) оның қызметін Қазақстан Республикасының заңнамасына және осы Ережеге сәйкес ұйымдастырады;

3) Комиссияның жұмыс жоспарларын бекітеді, күн тәртібін белгілейді және Комиссия отырыстарының хаттамаларына қол қояды;

4) Комиссияның қызметін жетілдіру және оның құзыретіне кіретін басқа да мәселелер жөнінде Комиссия мүшелерінің ұсыныстарын қарайды;

5) Комиссия жүзеге асыратын қызметі үшін жауапты болады.

10. Төраға болмаған уақытта оның функцияларын орынбасары орындайды.

11. Комиссия хатшысы:

1) Комиссия жұмысының ағымдағы және перспективалық жоспарларының жобаларын, оның отырыстарына материалдарды дайындауды жүзеге асырады, отырыстар күн тәртібінің жобасын төрағаның қарауына енгізеді;

2) Комиссияның іс жүргізуі үшін жауап береді және жұмыс жоспарларының

іске асырылуын бақылауды қамтамасыз етеді;

3) осы Ережеде көзделген өзге де өкілеттіктерді жүзеге асырады.

12. Қазақстан Республикасы Қорғаныс министрлігі Комиссияның жұмыс
о р г а н ы б о л ы п т а б ы л а д ы .

13. Комиссияның отырыстары қажеттілігіне қарай, бірақ жылына кемінде екі
рет жүргізіледі және оның мүшелерінің жалпы санының $2/3$ бөлігі болған кезде
з а ң д ы .

14. Комиссия шешімі оның отырыстарына қатысатын мүшелерінің санынан
кемінде $2/3$ ашық дауыспен қабылданады.